

## E C S O D U S.

caorach, air son eudaich, air son gach nì a chaidh chall, a their *neach eile* gur leis féin; 'an làthair nam breitheamhna thig cùis gach aon diubh: *efan* a dhìteas na breitheamhna, dìolaidh e dùbailte d'a choimhearsnach.

10 Ma bheir duine d'a choimhearsnach asal, no damh, no caora, no ainmhidh 'sam bith g'a ghleidheadh, agus gu'm faigh e bàs, no gu'n ciurrar e, no gu'n iomainear air falbh e, gun neach air bith, 'ga fhaicinn:

11 'An *sin* bithidh mionnan an Tighearn eatorra le chéile, nach do fhìn e a làmh gu cuid a choimhearsnaich: agus gabhaidh a shealbhadair *sin* uaith, agus cha dean efan dìoladh.

12 Agus ma ghoideadh uaith e, dìolaidh e d'a shealbhadair.

13 Ma reubadh as a chéile e, thugadh e leis mar fhianuis e; air son an nì sin a chaidh reubadh, cha dìol e.

14 Agus ma dh'iarras<sup>a</sup> duine *ni* 'an coingheall<sup>b</sup> o choimhearsnach, agus gu'n ciurrar e, no gu'm faigh e bàs, gun a shealbhadair a *bhi* maille ris; gu cinnteach dìolaidh e.

15 Ach ma *bhios* a shealbhadair maille ris, cha dìol e: ma's *ni* air son tuarasdail<sup>c</sup> e, thàinig e air son a thuarasdail.

16 Agus ma mheallas duine maighdean, nach 'eil fuidh cheangal - pòsaidh, agus gu'n luidh e leatha, gu cinnteach gabhaidh fe i dha féin mar mhnaoi.

17 Ma dhiùltas a h-athair gu tur a tabhairt da, dìolaidh e airgid a réir tochraidh nam maighdean<sup>d</sup>.

18 Cha leig thu le ban-fhiof aiche<sup>e</sup> bhì beò.

19 Ge b'e neach a luidheas le h-ainmhidh, gu cinnteach cuir ear gu bàs e.

20 Efan a dh'ìobras do dhéibh 'sam bith, ach do'n Tighearn a mhàin, gearrar as e.

21 Air coigreach cha chuir thu doilgheas, nì mò a nì thu foincart air; oir bha sibh féin' nar coigrich ann an tìr na h-Eiphit.

22 Re bantraich<sup>f</sup> 'sam bith, no dileachdan<sup>g</sup>, cha bhuin sibh gu cruaidh.

23 Ma bhuineas tu air chor sam bith gu cruaidh riu, agus gu'n glaodh iad idir riuma, éisdidh mise gu cinnteach r'an glaodh.

24 Agus lasaidh suas mo chorruch, agus marbhaidh mi sibh leis a' chlaidheamh; agus bithidh bhuir mnàì 'nam bantraichibh, agus bhuir clann 'nan dileachdain.

25 Ma bheir thu airgid 'an coingheall do *neach air bith do m'* shluagh-fa a *ta* bochd làimh riut, cha bhi thu dha mar neach a chuireas airgid air riadh<sup>h</sup>; cha chuir thu riadh air.

26 Ma ghabhas tu idir eudach do choimhearsnaich ann an geall, mu dhol fodha na gréine bheir thu air ais dha e:

27 Oir *is* e sin a chòmhach a mhàin, *is* e eudach d'a chroicinn e: ciod anns an coidil e? agus an uair a dh'éigheas e rium, éisdidh mise; oir a *ta* mi tròcaireach.

28 Air breitheamhnaibh<sup>i</sup> cha labhair thu olc, agus uachdaran do shluaigh cha chàin<sup>k</sup> thu.

<sup>a</sup> ma ghabhas.

<sup>b</sup> air iasachd.

<sup>c</sup> luach-faoithreach.

<sup>d</sup> a réir cròdh.